



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Contra Malignvm Io||hannis Eccii Ivdici-||vm, Svper
Aliqvot || Articvlis, A Fra||tribvs Qvibvs||dam Ei
Svppo-||sitis, Mar||tini Lv-||theri || Defen||sio**

Luther, Martin

[Leipzig], [1519]

VD16 L 4252

Articvlvs Dvodecimvs. Dixit non esse necessaria bona opera.

urn:nbn:de:hbz:466:1-32690

intelligere scopum legis, in eodem positæ. An est iuris forbilis forte
doctor magis, quam intelligibilis?

ARTICVLVS VNDECIMVS.

Quod plus sit credendum simplici laico scripturam alleganti, quam Papæ, vel concilio, scripturam non alleganti.

Hanc Eccius (licet Gerson fortiter ei resisteret) procacem, tum promotiuam hæresis, augmentatiuam pertinaciæ, Generatiuam singularitatis, inobedientiæ, & rebellionis, contra sum, pont, & sa, concilia, & sic similia pulchre latinitatis ornamenta ex grammatica cõtempta.

Tu vero lector hic Eccium obserua (vt Ecciano more insulem) an non intus & extra, a planta pedis ad verticem vsq; perfusus totus sit hæreticissima prauitate, vna cum suis discipulis fratribus. Quid putas boni sentit, qui scripturæ sanctæ non credendum asserit? Quis vnquã auditus est hæreticus, qui verbo dei non credendum docere præsumpsisset. Sic debent cadere, qui fraterna inuidia, & adulandi furore perdit, non nisi perniciem, & ecclesiæ, & veritati, p maledicta gloria sua quærunt. Quid hic faciet scriptura sancta est verbum dei, quod si aliud diceret, audiendum est, etiam præ omnibus angelis, si verbum dei non haberent. nẽdum præ papa & concilio, sine verbo dei agentibus. O furor, verbo dei non credendum, sed humanis verbis docet Eccius d.s.theologiæ (id est verborũ dei) docent idem sui discipuli, viperæ viperina genimina. I nunc Ecci & docero, quod audire verbum dei, & credere scripturam sanctam alleganti, sit promotiuum hæresis, generatiuum singularitatis, inobedientiæ & rebellionis. Obsecro, vbi nunc est zelus Rho, curæ vbi principes, vbi pontifices, hæc monstra ferre potestis? Ego torpior hostes, propter hominum opiniones neglectas, hic gloriam habet hostis verbi dei, abnegator scripturæ sanctæ.

ARTICVLVS DVODECIMVS.

Dixit non esse necessaria bona opera.

Hanc hæreticam pronunciat Eccius, & bene probat: sed nonne sufficit prodiit maliciam & inuidiam, cū sciat me ita non sapere, & tamen a malignis fratribus hanc libenter acceptans, ostendit se malle, vt tam insigniter errarem, quo liceret ei contra me gloriari, quam vt vera saperem. quã pulchra fuisset modestia Ecciana, si istis fratribus restitisset, dicens. Falsum vos dicitis. Martini scripta legi, non ita sapit, sed iuxta Bernhardum. Hoc pro Eccio. Cæterum, huius propositionis originem puto esse, quod sæpius docui, bona opera, quæ ex

tra gratiam fiunt, nihil esse. Deinde, soli fidei sine operibus legis, iux-
ta Paulum, tribui iusticiam. Tum fratres illi, neque quid opera legis,
neque quid opera bona significant docti, pro operibus legis, quæ ne-
cessaria non sunt immo, noxia sunt, posuerunt opera bona. Nam,
quid de lege, aut operibus legis scirent, quib? professio est, nihil vel
le discere, nihil scire, sed visiones capitis sui pro pugillo ordei, & fra-
gmine panis (vt Ezechielis verbis dicam) miserrimo populo incul-
care? Stat ergo sententia,

Non sunt necessaria, immo sunt noxia, opera legis cuiuscunq.
Sed necessaria sunt & salubria, opera bona quæcunq.

ARTICVLVS TERTIVSDECIMVS.

Deum præcepisse homini impossibilia.

Hic multas conuehens auctoritates scripturæ, in quibus iugum
Christi leue, Matth. xi. Mandata non grauiā. i. Iohan. v. Quæ, dispe-
ream, nisi simulet, aut penitus ignoret, quid velint. Dixi supra, Ec-
cum mecum sentire, quod lib, arb, sine gratia non valet, nisi ad pec-
candum. Obsecro, quæ tandem est tabes tanta inuidiæ, hanc nostræ mi-
seriæ & impotentiae scientiam, abscondere a fratribus nostris? Si non
valet nisi peccare homo, quomodo non sunt impossibilia ei omnia
mandata dei? Pereat ista maledicta sophistarum simulatio & dissi-
mulatio, quæ aliud nihil facit, quam quod aliud hic, aliud ibi dicit ad
seducenda corda simplicium. Dico ergo, mandata dei, etiam le-
uissima & minima, sunt homini impossibilia per seipsum. Sed cum
gratia dei sunt facillima vt Apostolus, Possum omnia in eo, qui me
confortat. Qui alibi dicit, Non sumus sufficientes aliquid cogitare ex
nobis, tanquam ex nobis. Cur enim oramus, voluntas tua fiat, si
sunt possibilia nobis? Recte ergo dicit Hiero, anathema esse, qui dixe-
rit impossibilia esse mandata dei sed non negauit nobis esse impossi-
bilia deo oia sunt possibilia, nobis nihil est possibile. Sicut dicit psal.
c. xxxvij. Nec sermo est in lingua, q̃to minus op? est in manu mear.

Hanc elucidationem peruit Eccius dare, sed noluit ne non haberet
quod in me criminaretur, & calumniaretur. Plus eum delectat, inui-
diam mihi mouere, quam proximos veritatem docere. Malletq; om-
nes homines in errore perire, quam tabidam suam inuidiā nō explere.

Transio illud Deutro. xxx. Non est trans mare. &c. quod tanta in-
scitia tractat, vt insanire verius videatur, quam loqui suo hæc tēpori.

ARTICVLVS QVARTVSDECIMVS.

Christus nihil sibi meruit, sed tantum nobis.

De hac propositione ipse adhuc dubito quia omnia erant Christi
D